



Inatsisartunut ilaasortaq, Sofie Geisler, Inuit Ataqtigiit
Maani/

§ 37 naapertorlugu apeqqummut nr. 143-imut akissutit

Dato: 13-07-2018
Sagsnummer: 2018 - 14777
Akt nr.: 8289384

Inatsisartut suleriaasissaanni § 37-mi imm. 1 naapertorlugu Naalakkersuisunut aalisarnissamut akuersissutinik tunniussisarnermut piumasaqaatit kiisalu ingerlatseqatigiiffinnut aalisarnissamut akuersissutinik tunineqarnissamut piumasaqaatit pillugit apeqquteqarsimavutit. Apeqqutit suliassa qarfigisannit akineqartussanngorlugit innersuunneqarput.

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

Apeqqutit:

1. Aalisarsinnaanermut akuersissutinik tunniussinermi suut tunngavittut aallaavigineqartarpat?
2. Aalisarsinnaanermut akuersissutinik tunniussinermi tungavinnut ilaatinneqartarpat qinnuteqartut aningaasanut tunngatillugu allatigulluunniit atornerluisimanermut tunngasunik eqqartuussivikkoortumik eqqartuunneqarsimanersut imaluunniit pisortanut akiitsoqarnersut?
3. Aalisarsinnaanermut akuersissutit aallaavigalugit aalisarnermut maannakkut akuusuni ilaannakortumik tamakkiisumilluunniit piginnittuuffigisanik suliffeqarfinnik eqqartuussivitsigoortumik ingerlatsisinnaajunnaarsitaasimasunik akoqarnersut Naalakkersuisunit tamakkiisumik ilisimaneqarnerluni?

Akissutit:

1-imut)

Aalisarsinnaanermut akuersissutit pisassiissutillu pillugit Namminersorlutik Oqartussat nalunaarutaata nr. 8, 8. april 2016-imeersumi § 3, imm. 3 naapertorlugu pisarpoq, imalu oqaasertaqarpoq:

Akuersissummik tunniussinermi aalisagaqatigiinnut pisassiissutinik aalajangersaanermi pineqartunik naliliinermik, qinnuteqartut tamarmiusut amerlassusiinik Naalakkersuisullu agguaassinermi piumasaqaataanik tunngaveqassaaq.

2-mut)

Naamik ilaatinneqartanngillat.

3-mut)

Kalaallit Nunaanni aalisarnermik ingerlataqareersut akornanni suliffeqarfinnik
eqqartuussivitsigoortumik ingerlatsisinnaajunnaarsinneqarsimasunik
ilisimasaqanngilanga.

Inussiarnersumik inuulluaqqusillunga



Erik Jensen

Aalisarnermut, Piniarnermut Nunalerinermullu Naalakkersuisoq

INUIT ATAQATIGIIT

Inatsisartuni



Ulloq 6. juli 2018

Inatsisartut suleriaasianni § 37 imm. 1 naapertorlugu Naalackersuisunut apeqqutit imaattut matumuuna saqqummiuppakka.

Naalackersuisunut apeqqutit:

- 1. Aalisarsinnaanermut akuersissutinik tunniussinermi suut tunngavittut aallaavigineqartarpat?**
- 2. Aalisarsinnaanermut akuersissutinik tunniussinermi tungavinnut ilaatinneqartarpat qinnuteqartut aningaasanut tunngatillugu allatigulluunniit atornerluisimanermut tunngasunik eqqartuussivikkoortumik eqqartuunneqarsimanersut imaluunniit pisortanut akiitsoqarnersut?**
- 3. Aalisarsinnaanermut akuersissutit aallaavigalugit aalisarnermut maannakkut akuusuni ilaannakortumik tamakkiisumilluunniit piginnittuffigisanik suliffeqarfinnik eqqartuussivitsigoortumik ingerlatsisinnaajunnaarsitaasimasunik akoqarnersut Naalackersuisunit tamakkiisumik ilisimaneqarnerluni?**

(Inatsisartunut ilaasortaq Sofia Geisler, Inuit Ataqatigiit)

Tunngavilersuut:

Inuussutissarsiummut allamut, tassalu sanaartornermut atatillugu, pisortat suliarinnittussarsiornerannut atatillugu neqerooruteqartut suliffeqarfiit Namminersorlutik Oqartussanut Kommunenuunniit akiitsoqannginnerannik uppernarsaammik tunniussinissamut piumasaqaatitalimmik inatsimmik peqanngitsoq paasivara.

Taamaattoq Pisortanut akiitsut akilersinniarneqartarnerat pinaveersaartinneqarnissaallu pillugit Inatsisartut inatsisaat nr. 3, 1996-eersumi §7 naapertorlugu Namminersorlutik Oqartussat Kommunellu piumasaqarsinnaapput suliffeqarfiit pisortanut akilerneqanngitsunik akiitsoqannginnissaannik.

Periarfissaq taanna suliarinnittussarsiortoqartillugu A/S INI-mit Iserimmillu atorneqartarpoq, soorlu aamma periarfissaq taanna Namminersorlutik Oqartussanit Kommuneniillu atorneqartartoq ilisimaneqartoq.

Inuiaqatigiinniit atugassanngortinneqartarput pisassiissutit aningaasarpassuarnik naleqarput, pingaaruteqarporlu pisassiissutinik atuisussanngortinneqartut unneqqarissuunerisa uppernassuseqarnerisalu apeqquserneqannginnissaat, tamannalu tunuliaqutaavoq Naalackersuisunut taamatut apeqquteqarninnut.

Apeqqutit ullut qulit qaangiutsinnagit akineqarnissaat kissaatigaara.